

اسلامك نفعنه خادم مقالات
مع الت شكر قبول ونشر اولونور

يازانك شخصيتي دكل، يازينك اهميتي
نظر دفته آليدير .

كلن يازيلردن شايان قبول كوردولنلر
تاسيخ ميراسيله درج ايديلير .

كوننده ريله جاك آثار ، اوقوناقلي
ومختصر جله يازيلش اولماليدز .

ديني ، علمي ، ادبي ، اجتماعي

مخمس

۱۳۳۸

جمهورية الإسلامية الليبية

صاحب ، مدبري ، محرري :



اداره خانه سي :
بايزيد جامع شريفك تربه قاپيسي
قارشيسنده

مركز توزيعي :
باب عالي جاده سنده (اتحاد
تجارت) كتيخانه سي

آبونه بدلي :
سنه لكي ۱۰۰ غروش
آلتی آيلنی ۵۰
مالك اجنييه ايچين ۲۵ غروش ضم
اولوناليدز .

آبونه قيدي معامله سي هر سنه نك بونجي
وايكنجي آلتی بندن اعتباراً اجرا اولونور

في : غروش
۱۰

ربيع الاخر
۱۳۴۲

جلد
۴

عدد
۴۲

(مرید) یعنی خرما قور و تمایه مخصوص میدانجق
واردی که اهل اسلام ایچین هم جمع، هم معبد
اولاییله جک بر بنا انشاسته مساعد ایدی .
بوعرصه، متوفی (رافع بن عمرو) ک اوغوللری
(سهل) و (سهیل) اسمنده ایکی یقیمک ملکی
بولونویوردی .

علیه الصلوة افندیمز، یقیملره و صیلرینی جلب
ایله او عرصه بی اون آلتین بدل ایله صاتین آلدی
وزمیننی تسویه ایتدیردی . بعده طاش کتیرمه لرینی
و کریپیچ کسمه لرینی اصحابنه امر بویوردی .

کریچلرک چاموری (بقیع الفرقد) ک صول
طرفنده و ابو ایوبک قویوسی یانسنده کی (بقیع
خججه) ده یوغور ولدینی و حضر موتلی برینک
نظارتی تحتنده اعمال اولوندینی ایوب صبری پاشانک
(مرأت مدینه) سنده مشاهده ایندیلمشدر .

ابن حجر عسقلانی نک (کتاب الاصابه فی اسامی
الصحابه) سنده ایسه بو ذاتک (طلق بن علی)
یاخود (طلق بن ثمامه) نامنده و بی خیفه دن
اولدینی ، طرف پیغمبریدن اونک حقنده (قریوا
له الطین فانه اعرف) یعنی اوکا چامور کتیریکنر
زیرا او، یاماسنی آئی بیلور ، بویور ولدینی محرردر .
مسجد سعادت عرصه سی، ابتدا طولاً و عرضاً
یتشتر ذراع اولمق اوزره طسوتولدی، تحویل قبله
وقوعندن صوکراده بو ابعاد، یوزر ذراع ابلاغ
اولوندی .

اوجر آرشین عمقنده آچیلان تملر، طاشله
تحکیم ایدیلدی ، سطح زمیندن یدی ذراع مرتفع
اولان دیوارلرده کریچله اوروولدی . خرما آغاچندن
معمول دیزه کاره استناد ایدن سقف، ینه خرما
دالریله اورتولوپ اوسته طوپراق آتیلدی .

شیحدیکی (حجره سعادت) ک (باب التوسل)
دهیلن قایسی پرینه برنخراب و بری، شیحدیکی

زائر بحرم حرم طیه ادب کن
خاموش نشین حضرت او جای سخن نیست
زائر ! حرم مدینه حرم اقدسنده ادبه رعایه
سکوت ایت که اوراسی سوزیری دکدر .
زائر آن بلبل باغ حرم طیه بهند
بال و پر بسته بکنج قفسی افتادست

حرم مدینه باغک بلبل اولان زائر، هندستانده
قلمش وقفس کوشه سنده قانادلری باغلی بر قوشه
دو نمشدر .

سرزائر زحدیث است بلند
پیش کس پشت دوتو نتوان کرد
زائرک باشی شرف حدیث ایله یو کسه لمشدر .
بناء علیه کیمسه نک قارشیسنده صیرتی ایکی قات اولاماز .

ظاهر المولوی

محفل تاریخی :

عبادات اسلامیة تاریخچه سندن

مسجد نبوی :

رسول اکرم صلی الله علیه و سلم افندیمز ،
قرآن کریمده (مسجد اسس علی التقوی) نظم
جلیلنده مذکور اولان (قبا) مسجدینک تملنی
آندقدن واکالی اورا اهالیسنه براققدن صوکر
بر جمعه کونی معلوم اولدینی و جهله مدینه منوره بی
و ابو ایوب الانصارینک خانه سنی تشریف
بویورمشدی .

دارالهجریده یاییلمش بر مسجد اولمادیقندن
امام الانبیا علیه افضل النجایا حضرتلری ، ایلك
زمانترده صلوات خسه بی نروده بولونورسه اوراده
قیلیورومعیتده کیلره قیلدیریوردی . حتی بخارینک
کتاب الصلاة انس بن مالکدن مروی اولدینی
اوزره قویون اغیلرنده بیله ادا یصلات ایدیوردی .
ناقه پیغمبرینک او طور دینی محکک یاننده بر

مظفریتنی تبشیر ایله دی وشو نعمتک شکرانه سی
اولمق اوزره اسکیر کینوب طوبراغه اوطوردیغنی
سویله دی .

براز صوگرا قرشیلرک صرخصی اولمق اوزره
ینه عمرو بن العاص ایله عبدالله بن ابی ربیعہ کلش
وینه حجاز محسولی اولمق اوزره بر جوق هدیه
کتیرمشدی .

بونلرده نجاشی نک حضورینه جیقیدیلر و بدرده کی
مقتولارینه بدل اولدورولمک اوزره حبشستانده کی
مسلمانلرک تسلیمنی رچاشنده بولوندیلر .

نجاشی بونلره ینه جواب رد ویردیکی جهتله
خاباً کری دوندیلر .

*

*

هجرتک یدنجی سنه سی ایچنده طرف رسالتدن
ملوک وامرایه دعوتنامه لر کونده ریلدیکی صیراده
(عمرو بن امیه الضمری) وداعتیله نجاشی اصحمه یه ده
نامه هایون یوللانیمش وایمانه کلکله برابر حبشده
بولونان وعیداه بن جحشدن طول قالان (ام
حییبه رمله بنت ابی سفیان) ک ذات اقدس پیغمبری یه
ترویج وارسالی امر اولونمشدی .

نجاشی، امر نبوی یه اطاعت ونام رسالتله
اوله رق جعفر بن ابی طالبه بیعت ایله دی (۱) .
بعده ام حییبه حضرتلرینه خبر کونده روب برینی
توکیل ایله مه سنی بیلدیردی . اوده وکیل اولارق
خالد بن سعیدی حکمداره یوللادی . حضور
نجاشی ده نکاح قیلیدی .

نجاشی نک مهر اولمق اوزره ویردیکی درت یوز
آلتون ام حییبه یه کونده ریلیدی . یمکله یه نیلوب
(۱) کرک عبدالله بن ابی ربیعہ ، کرک عمرو بن
العاص ، صوگردن مسلمان اولمشدره هله عمرو ، حبشستانه
اوچنجی سفرنده نجاشی نک نصیحت و تشویق ایله اسلامه
کلشدرکه بوندن طولانی کندیسنه (تابی حضورنده
مسلمان اولمش صحابی) دیرلر .

(محراب النبی) موقعنده اولمق اوزره او یچ دانه
قانی پاییلدی که تحویل قبله دن صوگرا بو قانی ایله
محراب آراسنده تبدل وقوعه کلشدر .

مسجد سعادتک زمینی بدایه طور اقدن عبارت
ایدی . بر کیجه یا غمور یا غمش ، ساحه مسجد چامور
اولمشدی . حضرت عمر ، ردا سنه - حصباء ده نیلن -
اوقاجق چاقیل طاشلرندن طولدوروب اونلری
سجده کاهنه یایدی . بعده داخل مسجد حصباء
یاییلدی . ایلمک دفعه مسجد حصیر یایدیران ذاتک
حضرت عمر اولدینغی (کشف الغمه) ده محرردر .
مسجدک تنویری :

وسائط تنویری یه نک فقدانته بناء مسجد نبویه
یا خرما یبراقلری و بوداقلری یاقق صورتیله آیدینلاق
حصوله کتیر یلیور ، یا خوده هتایی و ییلدیزی کیجه لرده
انوار سماء ایله اکتفا ایدیلوردی .

هجرتک طقوزنجی سنه سنده مدینه یه کلوب
مسلمان اولان (تمیم داری) نک شامدن کتیرمش
اولدینغی قیدیلرک اصیلماسیله مسجد شریف دائمی
صورتده تنویر ایدیلیمه باشلانیمشدی . خاقان اسبق
سلطان عبدالحمید خانک جلائل آثارندن بولونان
حجاز شه ندوفرینک مدینه یه وصولنده حرم شریف
داخلی الکتریک ضیاسیله تنویر ایدیلیمشدی [۲۵
شعبان ۱۳۲۹] .
ظاهر المولوی

جعفر بن ابی طالب

(۴۰ نجی نسخه دن مابعد)

شو حادثه اوزره ینه بر مدت کجی . برکون
جناب جعفر ایله رفقا سنه بر مأمور کلوب کندیلمی
نجاشینک ایسته دیکنی خبر ویردی . قالقوب کتیدیلر
وحضوره کیرنججه حکمدارک اسکی البسه ایله طوبراق
اوسته اوطورمش اولدینغی کوردیلر .

نجاشی ، بونلره استخبار ایله مش اولدینغی بدر